

38

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
OCT 31 1944

1

T 3150/0332-83

應州續志序

雁門之陰雲中之南有州曰
應其名州也相傳以州之初
首山與南北大山相應其
州之始以為在唐末五代間

哈佛大學漢和
圖書館珍藏印

昔嘗領金城河陰渾源三縣
國朝雍正八年始隸大同六關
北一都會也予奉

命撫晉兼

授督軍之節晉為畿右形勝地初

禍守令各以其郡躬志進予
得考其沿革險易土俗利弊
以請求予職之所當効且以咨
詢百吏觀其用心於所治者何
如而衆知其能否非曰徵古今

甚博識也應州牧吳君學不
懈於久仕予以其練於治也
奏擢平定州將入

覲矣乃出所為續應州志十卷請
序於予則取田蕙蕭綱兩書

損益之而地以雍正丙午以
來四十餘年之事又推考應
州之名見於周齊史書者數
事以徵其不僅肇於唐也可
謂賅且勤矣予獨謂此地自有

唐中葉棄之默吸其因何割
裂有滂漉而不可考者我

朝

聖德無外全付天之所覆晉民與蒙
古耕牧相錯於遠近勾注燕越

之間若履階闈者之所福三罔
四鎮者今則井里阡陌楫比
綺兮司牧者得以誰容教育
去其害而不匿其秀猗與盛
矣豈可不日夜念厥所由來而

四
牧師設誠責實以求無
負

天子任使之德意哉是為序

乾隆三十四年九月朔撫晉使
者鄂寶撰并書



志乘之設所以載疆域建置民風
物產政治使讀之者去夫沿革之
得失山川之形勝習俗之淳漓與夫
土田戶口之肥澆繁敝非特好古者數
典不忘六以資漚是邦者必生民情
以成其治術之良也誌之所係綦
重矣昔朱子歷官所至必致求書

五
誌誠以一方記載不可略也况應為
三晉名疆屏藩重地其道踰津梁
城郭閩隘士女之貞廉忠孝不可以
不誌而

國家重熙累洽之餘人文蔚興祇庶
樂利尤不可不纂輯而備也願
為宰者往。鞅掌簿書視為不急

之務而不肯為而一二有志者又或
限於才力而不能為坐使典故散
失誌乘潮如此真吏治之缺也應誌
創於明季重輯于雍正丙午迄今
四十餘年郡縣統隸之更變地糧戶
口之增除人物藝文之迭出其待續
誌者何可勝道南豔吳君以名進士

六

領州牧力任其事於案牘之暇參
訂史傳諮訪耆紳訛者正之佚者
補之粹然成書使掌故瞭然可考
倘所謂學優而仕優者歛其遠勝
於不肯為與不能為者奚啻霄壤
哉是為序

乾隆己丑秋七月學使者吳巖

書于滿州試院



應州續志序

予於戊子秋抵晉時 蘓中丞方下
教所屬講求水利憶在鎖院發官書
得應州牧吳君條覆水道并予與
冀寧監司胡公盡紙讀之曰此其言
有物良吏也其後君來謁則知以名
進士官陝右最久察其治應果有意

行其言者今夏鄂中丞以平定州
需才訪于僚咸舉君對中丞曰可
遂薦之

廷君瀕去應錄所續州志十卷寄予
嘆曰君真不忝此州者顧予踈於考
核屬予友戴孝廉東原校之戴君曰
應州錯見於周隋書此志搜考甚詳

顧新舊唐書皆不見應州沿革之由
則在唐地理志雲州永淳元年為黠
啜所破徙其民於朔州矣此地則天
以後蓋棄之甌脫也抑周隋之應州
乃楚之應山梁所置耶予曰信朱邪
興於沙陀其蹟多在應州應之於唐
不以為幅地矣戴君又疑陰館澠水

黃花堆皆當在應州之西予適以勘
工之右衛反自左雲出山南行過山
陰西北之黃花岡經代嶽鎮乃渡桑
乾東南望夏屋面鴈門時吳君道謁
問應州尚在山陰之東蓋遼金元明
山陰隸于應而今之州不兼有也嗚
乎考古之難非讀破數千卷壯遊數

十年而又生極盛之時廣輪九達險
關不戒豈足探源流辨華離哉

國家闢西北地二萬里今之勾注近在
閩閩予行次威魯助馬口闕邊垣攬
形勢蓋天下一家民之畋宅生成於
聖人之世者百有數十年矣考鏡是非勤
問疾苦因其利而無逆其防亦儒者

之所得為也豈獨治應哉

乾隆三十四年歲在己丑中秋之月

賜進士出身

誥授通奉大夫山西布政使司布政使前

日講起居注官翰林院侍讀學士大興

朱珪撰



序

余曩因詩古文辭所涉檢尋郡邑志

書其於經史中地名山川故城廢縣

以及境內之利病往遺而不載或

載之又漫無據證志之失大致盡然

南豐吳君為應州政事之餘暇取舊

志續之既見者不復贅於篇曰應州

續志書成請序于余，覽其書凡舊
文失核必按諸史事糾繆補逸蓋不
徒踵續是任也君既勤於考訂則余
更質以未入是編二事其一舊志相
承襲謂秦漢為陰館縣考漢志雁門
郡陰館累頭山治水所出東至泉州
入海而武五子傳作台水許叔仲說

文解字灤水出陰館累頭山灤水即
治水也魏書道武帝西如馬邑觀灤
源水經字譌作濕以為出陰館則同
寰宇記累頭山在雁門縣西北六十
里今山在朔代間其東南三十五里
即句注陁陰館城在陁北水經注桑
乾枝水東流通結兩湖俗謂之南池

池北對注陶縣之故城東北注濕水
又東北逕白狼堆南又東派四十九
里逕巨魏亭北其言崞川水也北逕
繁峙巨魏亭劇陽關駟十三州志劇
陽在陰館東北百三里顧景范讀史
方輿紀要注陶廢縣在應州西一統
志注陶在山陰縣東白狼堆在應州

西北巨魏亭在州北劇陽在州東北
然則應州殆漢注陶劇陽二縣地陰
館於地非比矣其一北魏天平二年
置善無郡領善無沃陽二縣方輿紀
要沃陽廢縣在應州西南善無城在
代州西北七十里本漢縣考漢志沃
陽有鹽池水經注鹽池西南去沃陽

故城六十五里十三州志善無縣南
七十五里有中陵縣中陵今寧武府
之神池縣而善無又在其北沃陽鹽
池唐為安北都護府之胡落鹽池今
偏關外歸化城西蒙古部地也偏關
五寨所食鹽今仍自蒙古來况中陵
善無沃陽之水歸樹頽水以注黃河

然則漢沃陽東南距應州遠甚古今
沿革作志者以為重吳君雅才閎博
舉其境內利民病民者既殫心求之
而於沿革山川志之所列咸務底精
確不苟同積古以來守譌傳謬茲三
事度亦君之樂聞也夫
乾隆三十四年己丑秋月

賜進士出身

誥授中憲大夫分守山西真寧道管理驛
傳兼管水利轄太潞汾澤遠沁平七
府州山陰徐浩撰



序

予嘗聞之治家者不編米薪之成則
汗漫而財散治國者不攬人物之紀
則樸陋而道湮周有職方漢有地理
豈徒馳驟載籍搜索蟲魚而已哉將
必因革利弊而成千古之盛治也應
州為漢時陰館地居鴈門之北土壻

民貧俗尚儉畱我

國家涵濡休養百數十年四民樂業風
氣益加淳謹若夫忠孝節義讀書自
愛之人代所不乏予守雲中已四年
知之極詳舊志為蕭使君所重修未
免有因陋就簡依樣葫蘆之病後人
視此事若無關輕重以致因循日久

人往事更訖於今凡四十有四年矣
里有書而弗輯士之羞也都有美而
弗彰卿大夫之恥也况志乘之有關
治理者乎南豐吳鞫園刺史自隴州
調牧茲邦即能留心民事三年以來
政通人和百廢俱興且念志乘之有
闕政教毅然謂不可緩于是勤採訪

壹心力徵文考獻發凡起例不週歲
而續成斯志十卷書甫竣適刺史擢
平定臨行請一言弁諸首予得覽其
數十年未脩之風土焉何其幸也至
其間因革損益莫可枚舉雍容揄揚
擴撫最博而稽覈最詳無遺無濫亦
足以稱盛事而垂永久也夫子願應

之人摩挲此編觀感興發其忠孝節
義之心而毋忘刺史勤求治理纂輯
是書之意則更予之所厚望焉是為
序
乾隆己丑之秋

誥授中憲大夫知大同府事前候補四品
京堂加一級溧陽史奕瓌撰

纂修姓氏

纂修

應州知州陞直隸平定州知州吳炳

江西南豐縣人丁巳進士

商訂

署應州知

州張五典

陝西涇陽縣人庚辰舉人

應州知

州劉允捷

直隸棗強縣人貢生

採訪

應州學

正陳芸

猗氏縣人壬子舉人

教諭管應州訓

導張廷綽

榆社縣人甲子舉人



原任山東臨淄縣知縣張鶴齡 州人辛未進士

原任太原縣教諭王爾遂 州人癸卯拔貢

監刻

應州安東司巡檢許霆 浙江錢塘縣人監生

應州吏目崔洪元 直隸交河縣人監生

較對

附 貢劉逢源

監 生虞 瑚

監 生左成德

監 生牛 冲

監 生鄭 振

監 生張 侯

廩 生朱學泗

廩 生馬肇泰

廩 生霍靈彙

廩 生唐多福

廩 生馬肇豫

廩 生高善法

增

生霍 槐

生

員王敏學

生

員馬 劭

生

員牛德修

生

員孫 傑

生

員豐際文

應州續志目錄

首卷

序

纂修姓氏

凡例

卷一

方輿志

沿革

形勝

山川

古蹟

風俗

災祥

卷二

建置志

公署 城池 學宮 倉儲 驛鋪

橋梁 河渠

卷三

田賦志

地糧 戶役 屯衛 雜課

卷四

祠祀志

壇廟 寺觀 塚墓

卷五

官師志

封建 職官 名宦 兵防

卷六

帝系志

皇帝 皇后附公主 皇子 諸王

卷七

選舉志

甲科 貢選 封蔭 仕宦 武職

卷八

人物志

先賢

文苑

列女

流寓

卷九

藝文志

制勅

詳稟

文

詩

詩餘

卷十

雜紀

續修應志凡例

一應志現存者前明萬曆己亥郡人通政使田蕙纂修

六卷 國朝雍正丙午前知州蕭綱重修十卷田志

六卷攷核未詳蕭志十卷增補多冗如禮制通紀二

條一則係直省通行遵奉不必郡邑專書一則宜歸

併人物方輿未應綱目贅設茲志惟續而已存其舊

正以不沒其功摘其瑕聊以有待於後

一蕭志序論多仍田志然有不宜直襲其說者如田志

城池條有款久變生何恃無恐語蓋緣隆萬閒俺荅

款塞宣大無警志中云云自是未雨綢繆之計
國家德威遠播疆禦無外豈容勦說雷同蕭志未經削
去實屬疎謬茲閒有序論皆自出管見固不敢沿襲
舊悞亦不敢掠美前賢

一續志於廿二史外通考通典通志諸書援据甚多然
閒有牴牾卽爲核正不敢阿附至順治時郡志萬歷
年田志事蹟蕭志未審輕重竟有刪削未載者茲因
田志刻板已毀留傳無多郡志時代甚遙更訂或異
遺人遺事當亟探錄然仍不敢據爲己有必冠以志

名還之原本其連類引證非欲誇多正以紀實

一舊志

田蕭二志同者
以舊志槩之

方輿內疆域里甲村堡敘述無

訛不必重複建置內倉儲驛舖橋梁紀載未詳亟宜
更訂茲復於方輿增形勝一條建置增河渠一條總
期詳畧合宜無求多於志外去留允當勿缺遺於志
中

一田賦雍正四年後地糧戶口增除雍正二年至乾隆
三十一年留草留豆運米運豆改折原委俱宜詳載
他如課程有司課府課之異雜稅有商稅畜稅之分

亦當條分縷晰以備稽考

一官師舊志載王忠嗣楊業八名宦似未確鑿至遼金時應州刺史暨彰國軍節度使史不勝書俱未登入難免疎漏茲廣搜全史別爲敘次其舊志已載者不必重錄雍正四年後簡吏曹冊正署備錄祇載籍貫姓名不註事寔政蹟以口碑自在無庸汗簡

一人物舊志多遺悞五代史載後唐明宗李嗣源應州人又宋史后妃傳仁宗郭皇后亦應州金城縣人舊志俱未搜載至宋遼金諸賢原傳復恣行刪去用駢體數語了之殊不可解茲仿通考例另立帝系一門人物則備錄諸史原傳庶綱目秩然不紊先賢遺徽實蹟亦不致湮沒無傳

一選舉田志附入人物固非體制蕭志列康熙時監生多人亦覺冒濫茲惟取雍正四年後科貢名次年分登記其有已經仕宦暨例貢職監出仕者另編仕宦一條武職則微顯必錄干城固與科目並重也蕭志壽考一條不敢附會

一藝文田志所載蕭志刪去甚多其中如修建學宮增

補鐘樓田耀州循吏傳石禮部神道碑皆本地興廢前賢政績所繫豈容缺畧茲仍爲補入至雍正四年後詩文必實有關山川政治風俗者始錄其他事無足紀詞不雅馴者槩不濫登惟詳稟告條爲地方民生利弊亟宜備錄以資攷証

一雜紀最爲志中關鍵歷代事蹟不能歸併各目者疎漏混淆均之貽誚大方惟另立一則彙載末簡旣可包羅無遺亦於體例不紊郡邑志皆然舊志獨未搜載今自魏而下迄明季有關應地者按諸史傳詳錄其事金城興廢之故歷朝盛衰之繇俱可展卷躍如云

應州續志卷之一

哈佛大學漢和圖書館珍藏印

應州知州南豐吳炳纂輯

方輿志

沿革
風俗

形勝
災祥

山川

古蹟

禹貢分九州以山川定疆界夾滌鄭氏謂州縣有時而移山川終古不改輿地記云今之州縣在漢則為郡漢之郡縣在三代則為州雖分合離晰不可討究而山林川澤墳衍原隰之名物險要阨塞民風土俗之盛衰按籍而稽九州之內未可緝也三晉郡邑繁矣應介其閒如彈丸然自古迄今麗於職方者州邑或更或革事

蹟或廢或興宜都爲一書以資考索至星野祥異古人
 沿襲書之甚詳康對山志武功獨不載星野蓋天道渺
 茫窺測殊難所見卓矣舊志於應旣確定爲趙之昂畢
 復騎墻於燕之箕尾當何說之從今倣其例削之志方
 興

沿革

應州唐以前沿革詳舊志五代時屬大同軍節度後唐
 天成元年升彰國軍節度興唐軍寰州隸焉石晉天
 福元年以地入遼兵事屬西京都部署司統縣三金
 城河陰按金史河陰卽山陰渾源金仍爲彰國軍節度使貞祐
 二年升渾源爲州領縣二元仍爲應州領縣同至元
 二年併山陰入金城後復置明洪武初以州治金城
 縣省入領縣一山陰

國朝因之雍正八年改山陰縣同隸大同府

炳按遼志唐武德時置金城縣後改應州又金城縣
 地里志本漢陰館縣地漢末廢為陰館城大業末陷
 突厥唐始置金城縣元志應州唐末置後唐升為彰
 國軍是陰館縣漢末即廢應州金城縣為唐置無疑
 然搜討諸史殊多牴牾北史云晉懷帝時進穆帝大
 單于封代公帝以封邑去國懸遠從并州刺史劉琨
 求勾注陁北地琨乃徙馬邑陰館樓煩繁峙崞
 今渾源州五縣人於陁南更立城邑盡獻其地是陰館縣
 晉時尚存非廢自漢末北周志張羨為應州刺史見

子張奭傳李超為應州刺史見子李景傳隋唐君明
 為應州刺史卒於官見北史是應州在周隋時即有
 其地非始自唐遼志元志謂應州為唐置殆未確鑿
 更可疑者金城既為武德時置後改應州則唐史即
 當明載改置始末何以地里志內並無應州金城縣
 之名即官職內亦無仕於應者殊不可解總之應州
 初建決不始於唐而正史無稽不得已姑仍之以俟
 後之博雅君子攷焉

形勝

北魏天興六年九月行幸南平城規度灑南

灑一名濕
治流合桑

乾面夏屋山背黃瓜堆將建新邑

見北史

五代唐末帝詔應州修茹越口忻州修堙石嶺開左右

道路將以備師擣契丹也

見郡志

宋眞宗時張耆爲潞州都監帝以耆歷河東稔邊事召

耆至宣和閣問地里險易狀耆因言契丹雲應蔚朔

四郡閒遣人以文移至并代閒非覘邊虛實卽欲熟

道路宜密諭代州使自雲應蔚至者由大石谷入自

朔至者由土燈入餘閒道皆塞之以示險見宋史

仁宗時包拯言契丹改雲中為西京集兵馬意叵測且

雲州至并代地近形勢坦平此漢與北古今出入之

路自失山後五鎮控扼尤難郡志按宋與契丹跨忻

代應等州為界此慮其下甲鴈門以窺太原為今茹

越北婁云見郡志

遼道宗獵大牢古山彰國軍節度使耶律頗的謁於行

宮上問邊事對曰自應州南境至天池在今寧武府地皆我

耕牧之地清寧閒邊將不謹為宋所侵烽墩內移州

一非所宜道宗然之遣人使宋得其侵地命頗的往定

一疆界見遼史

金貞祐初吳僧哥以兵復朔州苦乏食乞賜糧十五萬

斛朝廷以應州已破朔為孤城其勢不可守乃遷朔

軍民九萬口分屯於嵐石隰吉之閒見金史

明正德十一年都御史李鉞於鴈門東築七堡石墻吳

城六郎以遏山陰之衝東梁坡亂石灘駱駝石以遏

應州之衝天井梁以遏渾源之衝

嘉靖十九年都御史劉臬請城鴈門關隘三百里高濶

以一丈五尺爲式掣回大同協守班軍分戍十八隘
 鴈門平刑盤道梁爲阨塞由鴈門東顧則平刑西顧
 則盤道梁介乎東者則水峪胡峪馬蘭茹越小石大
 石太安團城凌雲葫蘆焉介乎西者則太和百草八
 岔小蓮夾柳燕水鴈窩元崗焉是所名十八隘也俱
 有堡俱見明史

炳攷明史地理志應州北有桑乾河西有小石口查

石口在州東南有茹越口西南有胡峪口又有北婁

明史作西誤大石等口通志小石胡峪茹越等口尤爲險隘正統

景泰以來瓦剌俺荅節從鴈門關東茹越等口入掠
 直至忻代諸州縣是州在勝國固晉省要害之地也
 今百餘年閒形勝如故烽煙無警昔之恃爲險阻毗
 連塞外者幾無甌脫藩籬之限登臨之餘漠然徒見
 山高而水清蓋天下之平久矣民生斯時安居粒食
 以生以長無兵戈蹂躪之慘可不深思致此之繇耶

山川

龍首山 田志卽邊耀山在州東北三十里延袤千里
兩鎮三關志廣靈之六稜山源於龍首吳伯與評畧
蔚州北八十里襄山西接應州龍首山。通志邊耀
龍首分作二山又註邊耀在州西北三十里悞
翠微山 州東南三十里東起北岳恆山之右龍首山
西逸翠微峯茹越峯龍灣山香峯護駕崗西南聯勾
注山蜿蜒環豐袤二百里有奇橫列州南似翠屏高
不可勾股海島法量俱稱南山山下水分流東北入

渾河西北入桑乾河

鴈門山 州西南南山之北與龍首相望後漢志注在陰館史記漢蘇意軍勾注應劭曰山險名也在縣爾雅八陵西隄鴈門是也郭璞曰即鴈門山山海經二鴈門山者鴈飛出於其間。按鴈門山當在代州通志以古之勾注為即今之鴈門關可証但諸史俱謂在陰館且謂應之名州以此山意應與代毗連不妨兩地俱存也仍之

黃花崗 金志崗旁有金仙洞懸石如樓殿。秋日花

耀金光張翰詩黃花如散金李白詩張翰黃花句風流五百年可為是山賦矣

黃沙口 州東南六十里北接牛槽峪南通代州大石

口

余都峪 一作余睹 金史太宗本紀天會二年十月聞遼主

從者不過四千戶有步騎萬餘欲趨天德駐余都谷三年二月婁室獲遼主於余睹谷。按遼史天祚本紀至應州新城東六十里為金人完顏婁室等所獲而金史宗幹列傳則云獲遼主於應州西余睹谷又

海里列傳云海里從婁室追及遼主於朔州阿敦山
遼主從數十騎逸去婁室遣海里往見諭使降遼主
窮蹙待於阿敦山之東婁室因獲以歸合數條考之
則余睹谷當在今西山口一帶而所云新城更在其
西也雲中志謂在南山悞

桑乾河 州西二十里通志云源出馬邑洪濤山下由
馬邑南山陰北東流經州西境梁亭村賈家寨曹娘
子村白堂子村劉霍莊鄭家莊等處凡二十里有奇
北入懷仁界東合渾河○魏中山仇洛齊乘驢赴京

盧魯元候知將至結從者百餘騎迎於桑乾河見而
下拜從者亦同致敬是後魏朝貴迎送以桑乾河為

限也 見通志

渾河 州東二十里源出渾源州西北流入州東北境
遶邊耀山經東小寨北馬莊南柳會諸村凡六十里
有奇流入懷仁縣境西安堡入桑乾河 他衆山小水已載舊志者

不錄

清水河 在州西北從懷仁縣屬韭畦起東南流經州
境水磨村至臧家寨入桑乾河

木瓜河 在州北二十里從山陰縣屬水上村起東流
經州境侯家嶺大營村入桑乾河

盆子峪河 卽山陰縣白泥河從縣屬東南界榆林谷
東北流經州境望岩村至師家坊入桑乾河

黃水河 從山陰縣東北五福頭起流經州境東辛寨
至師家坊入鹽河 按上四河 舊志未載

炳按金史地理志應州金城縣有黃瓜堆復宿山崞
川河攷北齊書文宣帝紀茹茹寇肆州帝自晉陽討
之至恆州黃瓜堆虜騎散走斛律金傳金統所部詣

雲州請降卽授第二領民酋長稍引南出黃瓜堆爲

杜洛周所破部衆分散是黃瓜堆在應史傳鑿鑿可

據而通志郡志俱未登載遍詢故老亦未有知其處

者或謂卽黃花崗音近之訛北魏書穆帝猗盧六年

於故平城南百里灑水之陽黃瓜堆築新平城使長

子六修鎮之考平城卽今大同府治元魏所都桑乾

河流合灑水今州西北四十里黃花崗橫亘聯絡跨

一大同山陰懷仁三縣境按地形遠近正在府南百里

閒桑乾北畔疑卽其地未可知矣雲中志崞川源出

應州西安鎮折而北注於桑乾河應州無西安鎮州北六十里有西安

堡係懷仁縣村莊即桑渾二河合流處北魏太平真君五年九月上自

河西至馬邑觀於崞川然古崞縣即今渾源州渾源

志云崞川源出州東北二十里流經州西南十五里

古崞縣麻家莊似與金城無涉謂歷州境如桑渾二

河可耳謂源出州西安鎮殆雲志之誤至復宿山於

州境無可考郡志載山陰縣有佛宿山一名覆宿山

意金城山陰土壤相錯且山陰舊隸應州金史遂詭

為應山也歟

古蹟

應州故城 今城東十里舊志唐天寶初大同節度使

王忠嗣所築乾符間李國昌為節度使移築天王村

南故城遂廢按王忠嗣原傳祇稱自朔方至雲中數

千里據險築城並無城應之語又李國昌五代史本

紀亦未載移築之事不知舊志何據

金鳳井 蕭志據一統志謂唐晉王李克用生時有金

鳳飛出郡志通志則謂後唐明宗生此攷五代史本

紀李克用沙陀人未嘗言生於應州惟遼史地理志

有後唐太祖生神武川之新城語考應州有神武鎮
 又有神武川宋史周廣傳其先應州神武川人新城
 見遼史帝紀天祚出奔為金人所獲在應州新城東
 似可為克用生應之証然終非確據存疑可也至五
 代史職方考直書明宗為應州人是金鳳故蹟屬明
 宗通志郡志為優按遼史武州神武縣註謂神武川
 之新城即克用生處攷通志神武
 即今寧武顧寧人京東考古錄謂武
 州在朔州西境故不敢遽定為應

黃昏城 郡志後魏文帝築金志金城縣有黃花城按

黃花城因黃花山得名即新平城花昏音相近遂

為黃昏耳

鹵城 漢志代郡鹵城縣有虜池顏師古注滹沱出鹵

城章懷注山海經云秦戲之山滹沱水出焉在今代

州繁峙縣通志在繁峙縣東百里本漢縣地多鹵土

因名據此則鹵城非應州明矣舊志謂在州境內悞

劉知遠故宅 舊志在城東二十里有石甃井瓜地在

焉又載瓜園在城東輝耀村為知遠微時種瓜處攷

五代史漢高祖劉知遠其先沙陀部人後世居於太

原知遠弱不好弄嚴重寡言與晉高祖俱事明宗為

偏將據此則知遠生於太原並非應人何緣應有故宅並微時種瓜之地且既屬應產州志人物何又遺之明係附會無稽識者存而不論可也

金城廢縣 在州城內五代遼金元俱隸州治明洪武初省入州郡志永樂間嘗掘得金城縣印今爲儒學田志卽安東衛治○蕭志謂 本朝初省入州悞

釋迦木塔 在州城佛宮寺內郡志云遼清寧二年建高三十六丈圍半之六簷八角上下皆巨木爲之層如樓閣玲瓏宏敞浮圖之麗甲於宇內元順帝時地

大震七日塔旁舍宇盡皆傾頽惟塔屹然不動筠廊偶筆云應州木塔甚奇馮訥生主政雲有登塔詩一

帙序畧曰塔建自遼七級八面高見數十里朱欄碧瓦玲瓏飛竦登之河水一杯孤城如彈也

炳按郡邑志方輿例載勝蹟誠以前賢過化之地異代興廢之由不可不備悉其故非徒鋪張點綴爲郡邑光已也然必其地其人實爲境內所有始足發懷古之深情作當今之信史如甘棠憇芟黍離稷穗後之人俛仰流連始之爲一時葵好之公者久之卽爲

千禩紀錄之光若依稀三家村之說附會莫須有之事踵訛襲謬詡爲美談無徵不信曷能從同哉是故予於此志無訛者仍之可疑者正之總期確鑿可憑無令貽譏徃牒耳

風俗

應州居鴈門之外俗尙質樸不染奢華猶有陶唐之遺士子謹愿者多振拔者少無毀方躍冶之習亦少通經學古之彥入學後半事農末以資生計卽有窮年孳矻祇株守時藝見聞固陋無所爲眩博淹洽者蓋囿於風氣特達殊難土田皆沙瘠兼之邊地高寒惟宜黍稷蘆菽胡麻穰麥數種絕無稻粱嘉穀春夏苦風旱秋苦霜早又或霖潦暴漲恆患淹沒值有年所收亦畝以升斗計終歲力作止謀朝夕罕有陳因儲

蓄者雖其中不乏惰農要亦限於地力居多工匠拙於營造宮室衣服器具率安樸畧其糊口四方者則畫工最夥凡歸化城張家口殺虎口和林格爾托克托諸處及陝西之榆林寧夏緣邊一帶蒙古居人喜崇釋教繪佛像飾寺宇皆應州工人爲之視他工受值獨贏故習之者衆每有出門數年卽擁厚貲而歸者州僻邊鄙非舟車四達之衝物產無多不通商旅止齷鹵麻油之屬供外方之稗販而已性儉嗇罕服縑帛其布棉則取於直隸之行唐山東之恩縣大抵太原汾州貿易之人爲多閒有服牛輶馬走他鄉者亦不過逐什一之微利非能擁陶猗之貲效觀時變審棄取之智也

冠禮久廢婚禮男家遣媒議親女氏許諾卽卜日交換庚帖臨娶前期乃用茶餅冠服衣飾送至女家不用聘金娶惟一女婦往迎女家送嫁亦然娶日設席祇待并宴親朋之助財慶賀者三日後婿攜新婦歸寧拜女家之父母謂之回堂款留至數十日併宴親朋之助粧奩者擇日送女及婿歸謂之送回堂女之親

屬母黨俱來壻家相見各有贈遺壻家款留如之其
婚嫁不論財最爲近古衣飾亦無奢僭者雖六禮不
備而儉質可取居喪自初沒至旣葬凡棺槨衣衾墓
道俱稱家有無儀節亦寧戚母易然好作佛事殊嫌
悖禮逢七日則奠哭以七七四十九日爲止謂之盡
七有力者遇七日邀戚友置酒宴會尤大可詫也誌
銘行狀雖士夫家亦從不講柩旣升輦孝眷及門而
反戚友要奠於衢無送葬至墓所者葬後三日復奠
於墓謂之復三卒哭祥禫等祭俱廢不行當親朋致

賻必厚治酒食酬謝往往所費浮於所賻致遭喪之
家有槩却賻儀而不敢受者士庶祀先無家廟惟卽
居室中堂供祖考神主歲時伏臘及誕日忌日薦新
獻食而已其他清明日用紙錢麥飯澆酒墓上七月
十五日具瓜果上塚供獻十月一日剪色紙爲冥衣
焚墓頭謂之送寒衣皆未合古人典禮蓋習俗移人
賢者不免云

炳按郡邑各志風俗俱列方輿之內蕭志另爲一門
并臚列歲時瑣屑贅矣茲惟備載四民四禮以資採

風之助蓋衆所同者削之州所獨者詳之體宜然也
 夫移易風俗雖牧令司其權然縉紳爲民之望如王
 彥方於漢邵康節於宋皆能以身垂範流風所被鄉
 邑愚民匪惟不敢卽於悖淫亦且不忍外於德化當
 其時規惡甚於羅罰遷善速於置郵非禮教信義素
 有以服人者耶應之吉凶諸禮囿於習俗婚媾以酒
 食糜費喪葬以僧道混淆不合典則多矣整躬率物
 佐有司以轉移變化之道是所望於惠愛桑梓者

災祥

遼聖宗太平二年三月地震雲應二州屋摧地陷

咸雍四年三月振應州饑民

俱見
帝紀

元世祖至元四年五月應州大水

武宗至大二年六月金城縣雨雹

仁宗延祐五年九月大同路金城縣大雨雹

俱見
本紀

泰定帝泰定元年六月大同渾河溢漂渾應州民廬

舍

泰定四年應州雨雹害稼

大德九年嘉禾生應州 俱見五行志

明宏治十四年四月辛未應州黑風大作

宏治十五年十月應州地震有聲如雷

正德八年十月應州地震有聲 俱見五行志

嘉靖二十年六月大同隕霜殺稼應州饑

崇正十六年秋九月應州樹再花 俱見通志

炳攷諸史推本洪範五行五事休咎之徵條分縷晰分應以妖孽眚疢眚祥之類雖其說不無附會而彰天戒謹人事君子有取焉應之為州微矣僻居荒徼

疑無當於天人感應之理然夏秋之際風沙雨雹霜殺稼歲所閒有大抵天道遠人道邇災異之來未必不由於人事諉諸天數則非古聖人恐懼修省之意也夫易之為道吉一而凶悔吝居其三敬天勤民之君子可勿遇災而懼思所以轉禍為福之道哉

